

淵

于

集

澗于集

詩卷四目錄

和袁子久觀察病起韻

題黃琴鵬觀察丹桂圖

黃公瑕編修出示其劉先太夫人畫冊率題一律  
題公瑕劉氏一家畫冊意有未盡復補兩截即效  
其體

題公瑕撫本法梧門祭酒續西涯圖

題邊潤民師宋榻聖教序

讀淮陰傳有感

召平

還里

題建福寺後院

梁父吟

十二月十九日同菊耦祀東坡仍用覃谿庚申韻  
蘆臺夜宿

論閨秀詩二十四首

新居落成賦謝合肥公

蘭駢館自題效香山松齋體即用其韻

漁父辭

七夕

秋蘭雨後始展一花示內人

至新農鎮觀穫稻

歸政 懿旨合肥相公 賞用紫纁敬獻長句

健齋以元瓷香鼎明砂茗壺寄余夫婦與閨人各  
得二截句

示九弟

送健齋之桂林

題恭親王歌唐集句圖

去年以小像寄螺洲伯潛前輩題句見懷情詞俱

美依韻奉答

余與伯潛同年小一月來詩有別後何時已有髭  
之句知君未鬣鬣也戲用前韻以博啟顏

蘭齋即事贈內

讀樊川集有感

再疊前韻寄伯潛

陳仲勉及弟叔毅子徵宇同舉進士歸途過訪次

前韻

校明十行無注本管子畢偶成一律  
獨遊曾文正祠遲于晦若職方不至  
蘭齋聯句用昌黎會合韻

滄浪

庚寅七夕詞

閉門

偶然

董仲舒

謝顧皞民惠日本紙用山谷謝陳適用贈紙韻  
以日本紙貽晦若輒以日本玉色小箋爲報再用

前韻奉贈

內子雅嗜蘭亭所藏甚富偶題二絕依韻和之  
皤民以陳夫人手錄史記殘葉徵詩佩綸嘗賦數  
絕未寄今忘之矣庚寅十月與皤民相見津門  
索及舊逋敬補四截應命

題摘椿采菟圖

代

故禮部侍郎宗室竹坡前輩輓詞

輓黃子壽布政

湯伯述太守以其祖文端公手寫羣經屬題敬賦  
五絕

題范文貞小像

送皤民之臺灣二首

晦若大兄以樊川集見贈先德佛岡君手迹宛然  
既親爲褰護並以小詩志謝

經年不作詩文作則必就晦若伯述容民三君子  
正之以爲笑樂偶吟一篇奉粲

題宗載之別梅圖時仲冬海沍載之將由天津南  
返也

有感

孤雲

客以梔子爲題所作殊不當意作一律示之

夜夢徧閱名人書畫得一幅波浪掀天一舟由上  
游急下作收帆之狀余於夢中吟其題句醒後  
但記末二句矣因足成之醒語究不如夢語也

壬辰元日雪

舟泊北倉夜不成寐聞歸雁偶占一律

舟泊河西務口占四絕

百舌

題劉秀才節母丁氏寒燈課子圖

疏寮

讀北魏書

少年

五君

馬少葵秀才百石圖

題甘小蒼孤山補梅雙隄補柳圖

吳趨行



齊謳行

贈家子中茂才

憲齋以張字黃幼公漢章見贈戲成三絕

校齊民要術竟系之以詩

被逐後游盤山夢拙庵和尚願隨余南游補兒生  
復夢先四兄送一僧入室心竊訝之兒生十二  
日遽不育復夢一僧別去豈拙庵來此奪舍耶  
何狡獪倏忽若此也

七月二十九日夢中作少日詩二首憬然有悟醒  
後足成之

次韻答梁節齋太史

再次前韻寄節齋

題銘鼎臣將軍

安

養年別墅圖

酬伯潛病中見寄即和原韻

酬秦伯虞

張楚寶贈肅毅刀乃壬辰德國格魯森廠所製文  
忠命其監造者率成四絕

澗于集詩卷四目錄

澗于集

詩之四

古今體詩一百八十八首

起光緒戊子歲寄居津門日終光緒癸卯歲卒於金

陵

和袁子久觀察病起韻

三年窮塞隔青春歸及郊垌百態新  
絲竹競傳花底曲江湖收此劫餘身  
傳經劉向無奇友卜宅虞翻本放臣  
我合隱居君病起急營舟具待閒民

題黃琴鵬觀察丹桂圖

公瑕編修之祖

廣寒宮闕衆香門難得君家到子孫  
不信剡谿真有種庭階芝玉是仙根  
坐上崙郎已解詩酒酣翻譽最嬌兒  
傳家祖硯如傳壻合向東堂借一枝

黃公瑕編修出示其劉先太夫人畫冊率題一律  
畫篋摩挲涕淚痕鏡奩脂澤感生存聖予名硯傳諸壻  
孝綽新詩華一門定品誰爲團扇亞談經如見絳紗尊  
凱風不盡寒泉意別傳淒涼屬外孫

題公瑕劉氏一家畫冊意有未盡復補兩截即效  
其體

詩傳邢譚列世家清心香烈折枝花閉關頌酒先賢裔  
小璽誰鐫宋奉華

閉關頌酒之裔宋奉華  
劉妃章也見樊榭詩

蘇齋故物雲煙散退谷名園水木寒六舅團龍六姨竹  
後來英絕有黔安

題公瑕撫本法梧門祭酒續西涯圖

陶廬遠意本蘇齋岳麓分峯偶寄懷今日沅湘人物盛

風流還擬小西涯

李廣橋陰水又鍾遲迴不遂謝劉蹤獨居豈得無深念  
臨老安危寄石淙

畏吾殘碣看龜趺寂寞詩龕賸綠蕪雨後空潭仍碧色  
風帘煙櫂畫三摹

學海經神業不磨綠雲樓下積書多君所居爲陸丈裕故宅詩家  
亦有迴瀾手肯讓風騷屬李何

香刹官亭舊跡探蓮歌閒起葉西南酒人聚散花開落  
真賞誰同海月庵吳原博有海月庵冬日賞菊圖賓之與焉

題邊潤民師宋搨聖教序

南阮論書競北翁豐碑小帖合兼工時人爭薄唐臨晉  
誰具龍跳虎臥風

院體摹形得韻難莫因凡骨怨金丹懷仁終是才師脈  
瘦本分明定武殘

斷碣驚疑薦福雷偏旁點畫賸傳猜滴珠方勝矜高價  
還載西安僞刻來

遠向咸亨溯永徽系銜宰執已全非書名遂有王行滿  
雁塔嶙峋笑褚肥

侍郎筆力準平原坐側親參屋漏痕墨苑願通初盛界  
清池滌硯更深論

打碑剔石徧唐都歸理縑毫密自娛棐几門生嗟濩落  
來時掣筆試官奴

讀淮陰傳有感

逐鹿中原振臂呼周旋楚漢已非夫假王直作真王耳

赤帝能當白帝無忍說翁烹何況狗虛傳虎猛竟如狐  
崩生鼎足機猶晚仗劍江淮盍早圖

召平

大隱青門外無人識召平山驚商皓出堂笑蓋公迎列  
第尊屠販餘生謝醯烹瓜疇隨處是勞苦未央營

還里

誓墓文何徧行藏任所遭買園收芋栗修宅理蓬蒿海  
霧千重瘴邊風萬竅號前程俱歷歷歸鞅謝塵勞

題建福寺後院

尚有遼時剎禪天劫不刊偶依孤佛坐如獲異書殘雀  
拾嘉禾去龍隨老柏蟠浮生無住著暫與片雲安

梁父吟

并序

武侯躬耕隴畝好爲梁父吟今所傳一篇似與  
梁父無涉北堂書鈔引蔡邕琴賦梁父悲吟周  
公越裳按琴操有梁山操乃曾子思父母作與  
武侯所吟者不合而陸機沈約所作亦不類何  
義門云今所傳之詞蓋非其作竊以爲封禪之  
說本管子而漢武帝及光武均禪梁父武侯自  
比管仲意在興復漢業故好爲此吟非論二桃  
殺士之事也因推其意爲二章原作或出依託  
姑依其韻

靈茅出江淮嘉禾生北里七十有二家文殊道相似齊  
侯職連率何敢僭天子兵車不足離衣裳不足紀隆獄  
尊王功厥道在舉士誰能薦此賢知我者鮑子



鬱蔥氣佳哉南陽固帝里白水真人來隆準高皇似發  
兵捕不道修德爲天子尚想中元年玉牒梁陰紀何物  
當塗高妖識出方士盡聲爾餘分目笑魏公子

十二月十九日同菊耦祀東坡仍用覃谿庚申韻  
祐陵留才付神孫臣軾吁嗟任宰相旂鼓中軍乞捍邊  
一韓勲業何多讓水師建疏繼浙燈遠識崇情千載上  
國朝諸老爭祀公百態詩新擬高唱人人齊哉自升  
堂誰測先生祕密藏並世尤憐識者稀放歸禪寂孤蹤  
訪同音賸有樂全堂鐵杖清堅屹相向八百餘年我成  
還雄心自退重重妄對月山妻頗解詩要從蘇海分餘  
漲天窮人厄付東風魚龍欲起煙橫嶂

蘆臺夜宿

今夜蘆臺畫角聲夢回猶似宿邊城計疏那雪枋頭恥  
身隱難安谷口耕停水魚黿思媒侮寥雲雞鶩任喧爭  
誰知湖海元龍氣問舍求田晚漸平

論閨秀詩二十四首

玉臺空補選樓疏冶袖飄香佩結裾獨守正人彤管例

肯將妖豔附關雎

玉臺新詠序驚鸞冶袖時飄韓掾之香飛燕長裾宜結陳王之佩

彤管以赤心正人也

三章厯厯證前聞深誠齊姜悟晉文一醉隱然開霸業

誰言兒女不風雲

外傳齊姜引大雅大明之上帝臨汝無貳隋心小雅皇華之莘莘征夫每

懷靡及鄭詩之仲可懷也人之多言亦可畏也以決晉文之行

樂府何人振漢京大風安世兩和鳴夏侯簫管分明在

未信房中是楚聲

禮樂志房中祠樂高祖唐山夫人所作也周有房中樂至秦名曰壽人高

祖樂楚聲故房中樂楚聲也孝惠二年使樂府令夏侯寬備其蕭管更名曰安世樂余案房中改索從周決非楚聲也

燕支洗盡漠雲黃一曲悲愁祇自傷便譜烏孫歸義樂

卻為飛鵲願還鄉此反黃鵠歌意

北征指向叔皮尋詩賦同流選理深豈謂大家惟續史

遠從國扇嗣清音杜詩熟精文選理今人動以選詩求之

全從蕭選之文脫胎北征即取叔皮賦題是其金鍼之

最明者孟堅賦者古詩之流早已道破惜人不悟耳然

則德施惟選班姬悲歌一詩大家東征一賦此外無他

婦人明明以嗣音屬之曹氏以明賦為六義之一而才

媛可以小碎篇章自限耶

最憐記室誤推源強合班徐定五言審取彥和兮字限

餘聲應是祖湘沅余既以大家亞班姬則記室以徐淑

外尋兮字成句乃語助餘聲舜詠南風用之久矣而魏武弗好豈不以無益文義耶徐淑純用兮字正是騷體而記室以為五言非也

五字登山氣象開清風穆穆謝庭來濟尼祗解推林下合是中興大雅材

晉賢終較建安柔十二家餘姓氏留枉織迴文新樣錦

盤中翻作漢人收隋志自道韞外梁七錄所存晉婦人集如鍾夫人左九嬪李扶陳竊陳玢

陳珍王邵之辛蕭孫瓊麗馥徐氏十二家集均佚盤中詩晉蘇伯玉妻作文苑英華誤作漢人收之

新絕歌詩有古風鮑清韓綺豈同工殿前親記參軍語

自是臣才愧太沖此譏記室以鮑令暉韓蘭英並入下品之非

婕妤怨較昭君怨自合清才讓令嬋豈恃門風馳翰墨

吳歌十曲徧人聞樂錄以吳歌為王金珠作非昭君怨王叔英妻所作

瘦沈文因佐命尊畫堂尚有作詩孫翦除聲病歸風雅

應悔蕭娘戲筆存

沈湍願沈約孫女也其戲贈蕭娘一詩近於纖狎

騷情諫疏到今稱娥媚何當屬魏徵初學恨無班史例

詩篇不得附昭陵

初學記升太宗詩於歷代之首今四初學記升太宗詩於歷代之首今四

於此而賢妃之詩存者尠矣

內殿飛章和百僚昭容學士倚文驕斛珠不入霓裳譜

身後樓東尚寂寥

昭容一集燕公爲之作序充公入之藝文宋若憲結連李宗閔以譏死非

不幸也故余獨於賢妃之後特表江妃以存變雅

長慶爭傳贈內篇綠楊春事兩家偏低吟珠履清塵句

元九詩緣勝樂天

側調么絃洞九迷蓮花競許出青泥直齋未是澂清手

魚薛紛紛入解題

陳振孫於唐閨秀僅錄薛濤李冶魚元機三家無識甚矣

劫灰五代孰扶衰花蕊宮詞晚出疑居士迴瀾嗟力薄

昇平僅得謝家詩花慈宮詩止於三負伯乃閩人謝景

山之妹嫁陳安國其詩甚可觀歐公為之序有古淑女

以詩開之風非特婦人之言也景山名伯初天聖景祐間

公句也此非論宋初閨秀詩直以歐公非迴淵手耳

元豐元祐互相嗤壇坫王蘇迭主持願借同安春月夜

無風無雨會西池北宋詩斷以半山眉山為雨大家坡

亦嘗和其義字韻惜辨奸論出兩家竟不能通好耳此

詩姑作調人亦余平生持論如此非僅為閨人說法也

晨風借翰試翱翔一掬生新綠菜香替寫雨絲雲鶴態

江西別派到閨房山谷集中有雨絲雲鶴兩首代史夫

也代婦人之作如陸機為顧彥先夫婦贈詩均及代周夫

人贈車騎詩邱遲答徐侍中為人贈婦詩均及代周夫

此詩特以浩翁一派其講求句法閨中人可以學之耳

浯溪隱迹最深清那有雕梁語燕聲想是裕之家學雅

阿茶解誦木蘭行山房隨筆以元遺山有妹文豔拒張

平章婚作補天花板詩今凌翁施三

諸均以為耶遺山之女語真隱阿茶誦  
木蘭行兩見遺山詩其第三女字叔閑

幽篁逸韻勝鷗波趙管風流奈爾何似悔王孫留宦跡

小詩時復入禪多此非譏趙子昂子昂亦不足譏矣蓋  
近來有以題畫詩入集者全失古意

故借仲  
昇論之

正聲刻意洗吳歛懲勸居然與俗殊誰得退之山石妙

女郎詩骨總清臞鄭允端自題蕭離集近世婦人女子  
作詩無感發懲創之義余故剷除舊

習脫棄凡近作為歌詩以俟宗工  
斤正然其詩亦不能副其指也

金童玉女駐仙鄉冰雪文心日月光亦有山芝偕隱樂

千秋趙陸讓祁商陸卿子以趙凡夫為夫以文端容為  
子婦寒山偕隱作山芝閣詩明代閨

媛清福之最祁忠節公配商媚生有金童玉女之目二  
子三女及婦張德蕙朱德蓉均能詩朱竹垞以十二瑤

臺況之實則祁公之孤忠  
亮節更足為閨中色耳

凜凜三方自不刊清芬清更軼松蘭宮閨邪正修詩史

便作桐城義例看

方孟式有初蘭集

維則有茂松閣集 維儀選宮

閨詩史分 邪正二集

清真綺麗意斤斤女憲詩源校錄勤列傳不參中壘法

當時選政笑顏殷

晉顏竣宋殷瀛均有婦人集

### 新居落成賦謝合肥公

雲林深護草堂幽風月親勞上相籌連石邑新承十賚  
濯纓亭小分三休虛煩北海名通德直倚南窗請絕游  
雅意分明君子館旁人錯認起朱樓

### 蘭駢館自題效香山松齋體即用其韻

非隱亦非吏閉門即山居非主亦非客掃地真吾廬誰  
持腐鼠味妄意猜鵠雛惡聲縱相隨豈識吾舟虛況此  
蘭齋內賢婦相于喁琴音月皎皎花氣風徐徐梁清匪



推髻桓高匪鹿車終焉信同志密爾能自娛東閣偶留  
迹北窗時讀書磊磊更落落非放亦非迂

漁父辭

欲謀便曲爲歸  
隱地作此辭

鱸膾秋風見已遲滄浪鼓枻問歸期扁舟未暇回天也  
自占清湔作網師

春潮不到豐臺口浴鷺馴鷗時兩三支港菰蘆官岸柳  
巨梁煙雨似江南

蕭后墩前塞故谿青駝村口隱長隄禾鄉誰補遼金志

不著煙蓑也雨犁

墩及村舊傳蕭后泛舟處金  
之御田也今皆闕爲平陸

垂丫溪女盪波圓駁蟀文羸進饌鮮千載玉田夸種壁

海墘萬頃是珠田

嬾著羊裘誤客星未煩宮婢賜樵青筆牀茶竈平生癖

準備全家隱釣舲

海外分明有九州  
寸陰千里疊華樓  
漢家十丈蒙衝艦  
爭似閒眠舴艋舟

七夕

本來河漢是空明  
誰取星辰強指名  
似恐牽牛無路達  
虛傳靈鵲有橋橫  
海查早戲支機巧  
露砌全遮促織聲  
一夕曝衣天下徧  
舉頭微月隔簾旌

秋蘭雨後始展一花示內人

畫意琴絲寫未真  
娟娟風露見丰神  
也憐交訂同心晚  
更覺香來竟體春  
散朗謝庭生道韞  
芳菲湘水襲靈均  
卻因雨後無人問  
夜展秋懷更可人

至新農鎮觀穫稻

盛軍屯田於此

滄溟萬里且銷兵  
笳吹風來打稻聲  
共說軍容推細柳  
焉知國計仗營平  
宜禾誰與論邊事  
余以丙子建新疆屯田之策今十四年漕粟空思縮海程十萬貔貅屯墾老長饒託命合歸耕

歸政 懿旨合肥相公 賞用紫纁敬獻長句

東朝神武馭英雄  
六轡調和掌握中  
百戰乾坤歸大業  
萬方銜勒倚元功  
勲酬金紫親賢並  
賜重彤玕將相  
崇凡馬更誰儕  
汗血雲衢緩鞚獨追風

健盒以元瓷香鼎明砂茗壺寄余夫婦與閨人各得二截句

琢玉輕堅似博山  
篆雲詩思共迴環  
低吟畫戟韋郎句  
輸我深堂竟日間

半生心得在茶經自汲清泉注石餅  
恰喜閨中有同癖  
竹深煙細著樵青

示九弟

明略無聞鬢颯蒼石沾歸理舊書堂  
幾人宦有金張援  
聲輕捨茅茨一味涼

荷鉏微倦擬東臯  
偃蹇應非有託逃  
買犢欲謀田二頃  
壁閒親解呂虔刀

送健齋之桂林

舊侶蘭臺半隴黔  
宜人獨隔嶺雲炎  
頗聞秋色含春暖  
願以儒風霽法嚴

時中丞政尚嚴急

句漏有砂堪去疾  
鬱林無

石更持廉仲容  
器稟延年詠  
看汝聲名二始兼

蒼梧南望激渦盤  
孱越猶思見漢官  
銅柱界移誰貢雉

玉蓼山遠且駢驚報劉渙盡王程促微管書讎霸業難  
轉石沈沙留此恨空緣感別一長歎

題恭親王歌唐集句圖

集唐十六首

前哲留篇翰高深以意裁 廟謨藏稷卨文學引鄒枚  
莫把榮枯異彌彰事業恢誰能算升斗翻挾昔人才  
句句欲飛鳴宮商調屢更星辰讓光彩冰雪淨聰明世  
外交初得區中望本清夢魂通 玉陛白髮自然生  
閭外傳三略忠貞適有憑艱難同草創勤苦事 中興  
匡宇神功立天人夙德升 堯年將佛日 聖澤實超  
恆

漢皇封子弟 宸翰發輝光 北闕停朝簿西園醉羽  
觴愛閒求病假省事養心王梁邱調歌日詞波照五潢

樂道辭榮祿西京附親大才生閒氣餘事作詩人龍  
衮期重補驪珠會見珍延襟小山路桂樹八公鄰

大隱嚴城內王家傍綠池幸茲聯棣萼盡日把松枝元  
氣符才格風規發詠思永言形友愛字字合壘簾

病起扶靈壽西窮疊嶂深地偏心易遠道直謗徒侵聚  
散俄成昔憂傷併在今新文聊感舊惆悵屬瑤琴

悼之作

六旬知不惑三黜竟無端迴望凌煙閣重修醺月壇

戒壇

台庭鳴劍履松竹挂衣冠亞相高與丞相吉林應能保

歲寒

愁用道消磨攀松乍短歌達人心自適佳句法如何  
聖代都無事天驕已請和雲臺先著美幽絕寫漁蓑

老鶴無衰貌看圖勝所聞層軒登皎月幽澗曳輕雲更  
撰居山記先飛擲地文青松多壽色水墨雨氛氤  
平圃振詞條誠如玉律調雅音聞皦繹搜對滌煩囂魯  
衛彌尊重風騷頓寂寥高才推獨唱偏覺衆香饒  
化俗功成後煙霄北渚歸本技連帝系文翰灑天機  
爲善唯求樂論詩更入微昔隨飛蓋處奉手戀清輝  
制勝惟尊俎叨延禮數殊廟堂資上策台坐接訐謨  
滿眼悲陳事爲僚記腐儒丹心終不改泣對日南圖  
野客蒙詩贈新詩錦不如朱絃拂宮徵翠軸卷瓊瑤圖  
寫丹青內人懷變理餘永添鴻寶集辭伯綜羣書  
鍊句盈箱篋雙雕玉作聯忽聞歌古調不復詠陳篇故  
實刊周典吟聲接舜絃曲高彌寡和二拙定相懸

要路風波險相期有至誠皇圖明四闢臣節取三城

曹植休前輩桓伊定不凡聖朝公道在慙茲豈能說

前哲李德裕追和顏魯公同高深孟浩然韓大使東

士廟謨白居易和微之春文學張說藥園宴莫把陸

新和襲美彌彰袁暉奉和聖製誰能李羣玉贈方處

翻挾元稹春雪

句句李白望鸛鳴宮商楊衡直如星辰劉禹錫八月

冰雪杜甫送樊十三侍世外孟浩然張七辛區中許

題鄭侍夢魂蔣防藩臣白髮杜牧送

關外張嘉貞奉和聖製忠貞高適錢宋八充彭艱難

杜牧和殷潛勤苦馬戴區宇劉長卿聞王天人杜甫

進汝堯年李迥秀九日登慈聖澤蕭嵩奉和聖製

陽王堯年恩寺浮圖應制



漢皇

儲光義登高邱宸翰趙彥昭奉和幸韋嗣北闕白居易

西園

聯行式愛閒縣中作武功省事劉禹錫閒坐憶樂未詞

波

和別敬元奉梁邸徐品贈汝陽

樂道

朱慶餘贈西京蕭至忠陪大才劉長卿留餘事

韓愈

和龍袞公令孤楚獻相驪珠陳子昂酬李崇延襟

劉偉

之奉桂樹李頎送

大隱

章孝標和王家張諤岐幸茲武平一侍宴安樂

盡日

張祜題蘇元氣姚合和鄭相演揚風規皎然酬

永言

張說奉和聖製暇日與字字林寬送許棠

病起

皮日休題陸西窮蔡母潛登地偏駱賓王秋日

官道

許渾寄柳聚散李德裕憂傷盧綸酬李端長

寄新文

韋應物過扶惆悵武元衡寄

六句

許稷四時

月三點

劉長卿瓜洲

迴望

張祜史重修陸

象送人罷

台庭

宋之問自洪府

松竹

孟浩然盧明府

官歸茅山

亞相

段陽詹詠德

應能

書白居易題盧秘

愁用

白居易尚書

攀松

上官昭容

達人

姚倫過張秀

佳句

杜甫寄高

聖代

李頻黔中酬

天驕

郭士元送李

雲臺

唐明皇送

幽絕

鄭谷謝段

老鶴

劉長卿寄會

看圖

李紳和綿州于

層軒

諸亮奉

應魏

幽淵

駱賓王

更撰

張籍和左司

先飛

杜侍御

王教

雲抱

石白

西上

水墨

劉禹錫酬子

直且

有懷

青松

孟郊

西上

水墨

厚寄壘石研

平圃

薛元超奉和

同誠

如張九齡

和李侍

雅音

權德輿和

崔許

搜對

宋之問

魯衛

杜甫寄上

風騷

司空圖寄懷

一作

高才

寇坦和庫狄員外

夏

偏覺

李德裕和章侍

鄭谷

晚初

齊南

省厲

直

夏

偏覺

御陪相公游開

義

化俗

李中贈胸

煙霄

張九齡

本枝

高適留上

文翰

李應

物贈別河

為善

李端送銅

論詩

鄭谷喜秀

昔隨

白居易

南山

南李功曹

奉手

韓翃送張中丞

歸城

一作張繼

制勝

源乾曜奉和聖製

叨延

張九齡初發道中贈

廟

王司馬

兼寄諸公

劉禹錫

酬

堂

高適信安

台坐

武元衡奉酬淮南

滿眼

劉禹錫

入席

子

為僚

杜甫寄韋

丹心

胡皓和宋之問

泣對

項斯寄

人

野客

李端酬晉

新詩

杜甫酬韋

朱絃

白居易寄翠軸

常衎曉秋集

圖寫

李朋鵬州見寄

朱絃

白居易寄翠軸

賢院即事

添

李紳題白

辭伯

錢起和常舍人晚

人懷

張丞相

永

鍊句

周賀投江

雙離

白居易九律詩

忽聞

車應物

和晉

遊望

一作杜審言

不復

人八月十五夜觀月

故實

使君真卿

詩

詩

詩

詩

詩

詩

詩

詩

詩

詩

詩

詩

詩

詩

詩

詩

詩

詩

詩

詩

詩

詩

詩

詩

詩

觀大吟聲溫庭筠獻雅曲高張說酬崔光祿工拙元稹

要路

白居易招夢得兼呈思黯

相期

皮日休江表書情

皇圖

李益同張處士詣戴律師

臣節

許渾過溫州李給事宅

曹植

杜甫寄張山人

桓伊

劉禹錫和汴州令狐相公到鎮

所懷

聖朝李咸用

意茲

元稹送崔侍御嶺南

去年以小像寄螺洲伯潛題句見懷情詞俱美依韻答之

虛傳叢謗即名隨失計雲泉戢影遲積毀未全銷傲骨  
流年強半付吟髭心肝直為浮辭動形貌何勞俗眼知  
舉國幸存膠漆地平生兄事屬爰絲

余與伯潛同年小一月來詩有別後何時已有髭  
之句知君未鬢鬢也戲用前韻以博一笑

駿牛駕馬苦追隨欲著先鞭到每遲萬事爲君時斂手  
百年輸我早生髭于思口衆猶堪畏胥靡形求未可知  
雜還雲臺甘避席江湖爭長兩漁絲

蘭齋即事贈內

結構林居又一年後馴鶴倦爲情牽書堆高過三閒屋  
花事忙於二頃田露果釘盤醒宿酒風蘭留墨促新篇  
閒雲直是山深處誰分清笳戟衛前

讀樊川集有感

余庚午入都道出華亭祝蓮旭先生士銓臨川  
名士年七十餘見余詩喟曰此小杜體也極相  
獎借時於樊川集實未究心意不甚然之二十  
年來詩事日退宗尚所在亦未能埒力司勲流

落津海閒出詩文合肥相公晦若職方均謂與  
樊川相近雖謙不敢承而內竊自喜秋夜被酒  
時取樊川集讀之豪宕感慨豈得希蹤至其遭  
際志節不疑疑不快快同異之間諒有合矣輒  
成長句以寫我憂

司勳胸臆在孤行浮世傳詩亦強名仍歲江湖疑中酒  
幾人霄漢肯論兵能容兩黨非無術不作三公爲有情  
莫舉前身江總例鬢絲心鐵感平生

再疊前韻寄伯潛

佳處留庵載酒隨雲深自合出山遲枕來泉石應清耳  
說到唐虞可奮髭畫裏清容仍玉立行閒拙筆恐人知  
自憐久辦煙波具歲歲賓筵感膾絲

陳仲勉及弟叔毅子徵宇同舉進士歸途過訪次

前韻

曾記長安舊侶隨阿兄早貴弟嫌遲笑看兒輩森頭角  
真覺科名摘領髭種橘仙居千戶等賜書家世九重  
知翦燈細說瓊林宴料得頤園挂蟠絲

校明十行無注本管子畢偶成一律

讀書已笑餘糟粕況理烏焉事校讎盡薄富强推王道  
肯兼名法附儒流疇人分散夷風逼博士矜嚴古本搜  
臣向殺青臣亮寫老成易地總深謀

獨游曾文正祠遲于晦若職方不至

天津壯闊拱神京髻白扶轅望老成百戰創痍非怯敵  
八紘形勢合銷兵固應撮土人爭祭誰信寒潮恨未平

箕尾神靈空想像東南墮淚戀遺旌

事有元謀罪有歸瞽言動與寸心違黃池未肯先吳墨  
丹微翻思倚漢威晚節補牢存內疚後生曲突豈先幾  
兩朝和戰都無策留與閒僧說是非

傳聞少保亦崇祠鄰近長聽隔葉鷗元菟共驚風稍利  
朱戟無奈景斜移樓船下屬誰經遠韓奕嵩高競入詩  
蠻觸爭端資一笑臨江聊與可人期

蘭齋聯句用昌黎會合韻

江湖歸夢清伉儷深情重幼差甘提甕貧豈慕佩刀勇

慧慧羈寄鳳鳴隨幼氈氈鶴立聲幼鑑心如止水止養氣不山

湧慧絕傲方勞休遂閑任讒壅幼贈僑交舊聯幼鑑缺迹

新踵慧破匏初同半贈劍若挂壺合肥師與先君子為患難交三十餘年



中以昏如  
古義也

家聲恨中隊世網蓄餘恐

幼

酒開北海尊瓜

覓東陵種豸冠進觸邪蠹簡退刪冗

慧

大隱肯巢山小

儒徒發塚

幼

鷹隼空猜驚騏驎顧矜寵

慧

申椒辭滕幃

散木畏塗拱

幼

志士罹百憂黨人集羣恟

慧

同舟倏易

觀別館仍叨奉

幼

且謀山中醉無哭天下腫

慧

誰工三

窟營卻羨八駟擁

幼

釵無曜首華案學低眉捧

慧

忘機

信海漚應候殊秋菴

幼

脾蘇念苦辛足倦息微植

慧

軍

符倚臨淮甲仗班闕輦絲竹夙矜嚴沐薰翻劣鱗

幼

但

期雨美并已致四夷悚冰玉相瑩澈芷蘅益葦茸

慧

真

契磁引鍼潛輝璞留珙敗名亦安齊知足矧得隴

幼

衛

戟雲依依浮家水溶溶外物何瑕疵吾真勿枉拳

慧

人

心險山川道脈寄適豕鵬息笑蜩鳩龍藏化蠶蛹

幼

親

戚洽話言交游謝貫踊慧清辨塵毛紛深棲鯁翼翫傳  
經責兒曹纖薄約臧庸幼並作理閒琴瑟起松濤洵慧

滄浪

滄浪已分老煙蓑齒冷親饑共一波莽莽四夷中策誤  
茫茫九牧後生多津涯彌望無舟楫羽翼將成有網羅  
此日野居閒獵飲更煩醉尉怒誰何

庚寅七夕詞

九光燈影絢晴霄鳳駕霓裳望轉遙下界橫流天不管  
絳河清淺自填橋

風浪年年怯石梁欲營閣道界銀潢雲輶定較枯查穩  
無奈天錢不易償

碧宇無因著點埃暫時已惹武丁猜如何偶織璇機錦

有暇人間送巧來

乘風曾到斗牛邊富貴神仙定偶然應笑曝書成習氣  
爲貪識字嬾升天

靈津河鼓氣熊熊情話連宵綺閣中上將麤酬婚嫁願  
能兼兒女始英雄

闌暑澄秋萬慮清一條天漢更分明醉中不上承華宴  
女織男耕過一生

閉門

倒瀉天河舉國驚高城漸欲與池平壁閒斑薜魚龍色  
屋角長松雁鶩聲水旱自然關定數

王肅表湯旱堯水由於自然無損於

聖咸韶不廢喜初晴閉門豈敢言災異無奈愁霖賦偶  
成

偶然

偶然放意列絃壺歌罷安知苑與枯  
漸少敬容殘客對  
誤將德祖小兒呼  
賦家誰更陳豪士  
經術從來屬大儒  
欲舉冥冥毛羽弱  
莫嫌腐鼠嚇鵩雛

董仲舒

著書餘暇且窺園  
災異能明口不言  
曲學苦無阿世具  
翹材新館讓公孫

謝顧皞民惠日本紙用山谷謝陳適用贈紙韻

東溟豈其風馬牛  
塊然三島特一邱  
同文之世絕倫軌  
自甘斷髮儕旃裘  
取狗血來槃競歆  
無虎頭相筆枉投  
眼前突兀見此紙  
草檄臂短綴病鉤  
顧侯蹉跎年半百  
我亦一夜髮頓白  
流求墨盡海山蒼  
高麗覲存江水碧

即今文字尚佞盧鉛筆爭師外國客使君曾自難林來  
曷不上書告方伯區區薄小如赫蹏夜郎自大知未知  
竹木叢林開對馬樽桑枝葉詭天雞使命紛紛稱不辱  
歸齋油素都盈軸帶方要領果誰傳昂首鯨鯢別有天  
無復樓船衝霧濤空觀劍氣落雲煙小言直笑歐陽陋  
搜逸思求書百篇

以日本紙貽晦若輒以日本玉色小箋爲報再用  
前韻奉贈

誰供露犬若紉牛誰繳疇華若青邱堯封不到大瀛海  
骭髀風塵日本裘估客帆檣恣市易吾儕珎玖空報投  
于郎斂此愈風手中鬱文采珊瑚鉤餘事耽書抵錢百  
縱不能飛頗能白寫殘東絹與蠻牋池水盡荏春不碧

此才亦未久居中使府三年同作客奏技憐余不壯夫  
論文爲子辭雄伯廿年沉瘁老輪蹄晚從故紙研新知  
中書何暇伍禿兔馳檄豈嘗陪鬪雞拂拭截肪愁點辱  
還君便乞書一軸書成不倩世人傳與子相期物外天  
徑丈題名刻峯頂峨眉大雪香鑪煙不然長風破危浪  
歸奏周京王會篇

內子雅耆蘭亭所藏甚富偶題二絕依韻和之

稽山少長暮春初詩到諸郎足自譽二十八行餘繭紙

何因不附子房書

鄒夫人亦工書見法書要錄

醉後同將退筆拈較量肥瘦自分籤粉侯未用矜楊鎮

但蓄神龍第一區

鯁民以陳夫人手錄史記殘葉徵詩佩綸嘗賦數

絕未寄今忘之矣庚寅十月與皞民相見津門  
索及舊逋敬補四截應命

追憶空箋錦瑟詩  
鰥鰥羈緒夜禽知  
那堪翰墨存餘迹  
淒絕安仁兩鬢絲

謝筆塵封沈啟殘  
零香賸馥研星寒  
書家莫數劉秦妹  
未得蘭亭換骨丹

疏行密字瘦通神  
寫韻仙才足療貧  
競說方回擅章草  
品題合讓傅夫人

皞民書入能品  
聯以戲語慰之

深春曾過小蓬廬  
重撥寒灰理夢餘  
一昔閨中論史語  
誰修班馬異同書

亡婦班香與夫人相得外舅廷尉公  
以宋本漢書為匱贈嘗輯班大家集

閨中論史則丁丑春聞事也  
與皞民偶談往事為之淚下

題摘椿采菀圖代

明道毋絮羹和靖不干祿我儀伊洛風下車拜三肅光  
州有女宗秉德信令淑仙尉吏隱偕塵甑景高躅勵清  
人不知發潛天可卜釐爾以賢子舊邦使司牧官柳十  
圍陰廩糈萬鍾粟重游御板輿色養饜所欲卓哉垂至  
言富若布有幅從來騎侈萌端在極口腹艱苦話平生  
汲爨執煩辱微官困升斗瑣屑料齋粥湖稻比量珠江  
魚誰膾玉葉香別樵樗莖柔決芑陸豈唯甘如薺晚食  
且當肉即今餐錢豐義在潤九族兼珍固爲歡至味仍  
啜菽溪毛物亦微書之吁可讀家誠旣敦本治行遂拔  
俗汪汪彭蠡豬日飲水一掬

故禮部侍郎宗室竹坡前輩挽詞

貞元朝士感零落幾人存念昔蒼龍種頻開白獸尊十



年天倚伏萬派水清渾獨夜憂時淚非同哭寢門  
使車私買婢少慙莫交譏北里聊汗靽南山遂拂衣先  
幾能脫禍晚節自知非社稷忠謀固桑中罪亦微  
誰信疏慵性廷爭論不撓更生漢支屬正則楚離騷披  
瀝誠肝膽吹求忍垢毛餘恩惟蓋絕迴首九重高  
到耳悲鄰笛愴懷寄束芻竊名慚李杜隙末陋蕭朱心  
事殘經笥風流舊酒鑪遺文猶易集何計恤遺孤

挽黃子壽布政

清德由天賦高名類古賢涪翁生共日迂叟歿齊年竹  
馬猶彌路芻靈倏引阡長沙耆舊盡相次入重泉  
往時安福殿論事有名言海內經師翕廷中揖客尊賞  
甘辭沈范節肯就劉孫誰纂循良傳家風信史存

栗陽先生

入循吏傳

晚爲蒼生出東山起已遲來何廉叔暮去有鄧侯思秦  
獄除苛法吳趨洗治詞三方齊墮淚詎止峴亭碑  
濟漢情偏適山川話舊游婆娑嗟老子衿帶惜中流燭  
怪然犀渚迎仙跨鶴樓習池賓宴歇蕭颯射堂秋  
自悔田居後於公訊問疏頗聞憂國病仍治活民書驥  
老心難已鵬高翼未舒更憐吾叔度血淚透征裾  
湯伯述太守以其祖文端公手寫羣經屬題敬賦

五絕

端笏垂紳副重名前追文正後文清公嘉慶己未出朱文正門李文清則  
公道光壬午會試門人四朝聞見憑誰說獨抱遺經念老成  
並世才難爲國儲薦賢心切顧身疏未妨巨達優游樂

八十猶能手校書

公以薦林文忠左遷光祿卿

六韜不寫況申韓餘力思將左氏刊黃耆確然關社稷

漢廷守舊老師丹

羣經惟左氏傳選鈔

道脈姚江泯異同辨香分拜兩湯公便從筆勢觀心矩

正色堪回殿閣風

潛公亦工書

義蘊淵深手澤新晚年一本尚精真藏書何減升平第

更喜公孫是學人

題范文貞小像

像為官留樞時作

崇祠特諡表忠貞史法橫雲枉重輕幾為東林罹黨錮

卻疑南樂顧鄉情

本傳魏忠賢暨魏廣微中外用事公同鄉不一諱其門亦不附東林孤立

行意而已案南樂涿州受裔指欲以黃伯安李次見周

來玉等八人外補公力爭謂我輩豈殺人媚人者遂引

疾歸伯安夢齋入獄公周旋其間此豈與東林無交而

於南樂僅不諱其門者橫雲動以疑似指北人為查黨

於公猶以南樂同鄉為言史館沿誤存神歸天上成箕

之非也實則爾時查黨豈僅北人哉

尾道蘊胸中展甲兵未許詞人輕著筆

香翁直錄堂堂孫鹿有公評余取孫高陽致公南樞時

杜句尤率補贊鹿云公乃天下第一流人物孫云經綸天

地之才可以幹旋世運轉弱為強轉危為安

古井甃題迹未湮手書補綴澤如新

蒼明史紀事本末云龍泉巷古井史傳以為雙塔寺井

癸未三月余與赫舍里前輩如山於寺井立碑以正傳

聞之誤後於公家收得手書十一通更從津市披遺像

每一通為一跋豈與瀾園有夙因

有書估攜像售於橋側余偶見之以公別

日薄虞淵支末運氛纏貫索泣同人平生風義兼

忠節百拜能令薄俗醇

送皞民之臺灣二首

混同我邠岐臺灣塵一島于今亦重鎮豈暇怯霧潦治

國有微言頗戒烹鮮擾荒渺竟陋儒井鼃昧八表憂內  
不慮外決欲廢壘保倭鄭幾併吞顧第勿深考近來焦  
爛餘恨不徙薪早邊海無殊形啟疆虞彼狡心灰我久  
瘖爲子一傾倒苦語味折肱飛艦南溟曉

樊南果詭薄豈善杜與劉錄其數十篇鬱鬱軍國憂子  
能發其潛細字手校讎片言喜我合積毀空蚍蜉我嬾  
對殘客卻軌辭交游裹飯破蕪徑夜雨哦清秋忽隨雁  
南飛慷慨當中流詩人豈終窮夙志諒可酬能作玉谿  
語不閑玉谿愁迴帆相物色散髮滄浪舟

晦若大兄以樊川集見贈先德佛岡君手迹宛然  
旣親爲褰護並以小詩志謝

紅豆才名嶺海傳宦情約略似樊川爲存手澤悲重展

默許神交授一編數紙換鶩俱入妙諸郎集鶴尚如仙  
論衡帳底無由接誰分遺書到仲宣

經年不作詩文作則必就晦若伯述容民三君子  
正之以爲笑樂偶吟一篇奉粲

吾文久不理偶得聊自怡豈憂俗耳駭猶懼識者嗤三  
才集使府要爲天下奇入室幸伐我攻守皆忘疲人生  
有離合藥石當及時達言竊所歎後世誰相知

題宗載之別梅圖時仲冬海沍載之將由天津南  
返也

一江煙水速輕裘家具無多有底忙不戀送行諸父老  
空林欲覓返魂香

蒼落啄盡鶴聲孤畫樹真花到眼殊駱馬楊枝都在籍

主人獨忍別西湖

聽鼓應官類轉蓬  
攜雲載雪太惻惻  
阿兄自踐聯牀約  
何苦看山走洛中

無端舊壘換新陰  
疆起登臺尚越吟  
豈是少文哀未遣  
臥游嬾奏漆鳴琴

醉後衣痕病後眉  
梳臺零落昔年枝  
朔風更灑愁人淚  
迴首春寒省姊時

姊歿七年矣

夢中翠羽喚歸人  
二頃謀田儻結鄰  
老我十年仍泛宅  
手栽松櫪半樵薪

有感

尚布堂堂政權偏  
鬼教操似聞天有耳  
誰致盜如毛  
四野吞聲恨三軍獻職勞  
遠謀煩肉食短髮亦空搔

孤雲

淵明信可人乃爲孤雲慨焉知浩氣流卷舒了無礙羣  
龍絕因依獨鶴自進退蒼狗與白衣眩者若異態終覺  
衆峯樓近與仁陽對疾風偶愆雨膚寸根大塊檐與大  
廓游肯爲太清穢目送玩其意愈遠愈可愛

客以梳子爲題所作殊不當意作一律示之

華林避暑近如何爭翦荒榛進玉柯古壁黃昏新雨足  
曲池朱彩夕陽多同心欲剖無人贈佳氣相望有吏呵  
霜裹雪封翻自喜江頭一老獨橫波

夜夢徧閱名人書畫得一幅波浪掀天一舟由上  
游急下作收帆之狀余於夢中吟其題句醒後  
但記末二句矣因足成之醒語究不如夢語也



一夢扁舟一粟身風帆到處易迷津  
能從急浪灘頭轉便是清涼界裏人

壬辰元日雪

好春環戶牖冰雨作時元深抱疏梅信  
潛滋宿麥根龍蛇寒更蟄鳥雀霽徐喧  
天放幽人嬾酣眠獨閉門

舟泊北倉夜不成寐聞歸雁偶占一律

嘗盡江湖險翻忘塞外寒稻梁誠足戀  
菹醢恐無端我亦倦游者悲歌行路難  
長風思借翮何處水雲寬

舟泊河西務口占四絕

今年占閏苦春遲節到司分水不斷  
終是楫師能體物冰消畢竟未多時

下水輕便上水難半程篙槳似危灘  
世情最是風神慣

偏卷狂沙助逆湍

數家臨水自成村  
又得鮮魚網  
曉門問客營營竟何事  
茅柴新甕坐開尊

夜半荒雞喔喔啼  
閒蹤今日宿河西  
如何枕上聞嚴鼓  
猶激風雲夢瘴谿

百舌

鳳凰不知有百舌  
謂是百鳥鳴  
應節誰知衆語併一吭  
舌如鶯巧形鳩拙  
未央宮外自呼春  
繡閣驚迴曉夢人  
偶然借爾陽和氣  
得意爭鳴夜徹晨  
嚶嚶者烏楂楂鵲  
強以禽言分美惡  
似渠萬變雜悲歡  
了不相關如戲謔  
無耐人情自不禁  
時還破涕時沾襟  
莫倚能言多發口  
低徊遷客故鄉心

題劉秀才節母丁氏寒燈課子圖

從古儒冠例寒餓講堂空廢蓼莪哀誰傳孟氏芳鄰事  
丹穴懷清早築臺

疏寮

尚有林泉趣疏寮枕水隈市聲經雨靜帆影趁風迴呼  
酒河魚到停琴海燕來閒機隨處足望遠嬾登臺

讀北魏書

少游碎劇頗匆匆文藻爭如刻畫工高允老公差解事  
搜羅人士作師中

少年

少年嗚咽磨刀水縱不擒王也報仇卻笑書生百無用  
苦耽筆研誤封侯

五君

五君詠罷轉沈吟  
但屏山王意未深  
勸進一牋誰奮筆  
忍將阮嘯例嵇琴

馬少葵秀才百石圖

甲乙難名細閒麤  
居然羣玉積仙都  
鄰鄰不受湍流濁  
合補唐風十二圖

馬和之有著作色唐風十二圖見清河書畫舫

岐王宅裏分明見  
一夜驚雷掣氣騰  
王摩詰爲岐王畫大石一夜雷電

惟餘空軸石已飛去

祇恐臥羊鞭欲起  
雨工頭角盡生棱

題甘小蒼孤山補梅雙隄補柳圖

石屋題名迹已陳  
當年官樹半爲薪  
相逢莫說杭州事  
老盡碑前墮淚人

花事誰家到子孫  
消除滿眼尚留痕  
艱難莫悔爲廉吏

畫裏春風歷劫存  
明府居然有父風  
攝官五日太怱怱  
來時補插清漚稻  
也抵培杉洗竹功

吳趨行

堂上屏趙瑟堂下停秦聲  
四坐盡側耳聽我吳趨行  
吳趨信高亮迴出昌門上  
昌門枕寒流波靡俗所羞  
泰伯固至德仲雍豈爭周  
延陵亦守節閭閻胡自求  
子胥竟謫士潛進專諸謀  
姑蘇尚彊諫太息飲屬鏤  
大帝應時起江東自多士  
驚馬逸足騫駑牛負重馱  
陸顧皆國光端委立廟堂  
伯言輔太子磐石憂宗枋  
流涕爲聶壹正色劾建昌  
子弟不私出避禍流餘慶  
都尉亦輔正清識孚衆望  
不屑交阿寄豈解媚魯王  
發憤著新言知難嗟

自傷南金盡寶器前型烏可忘誰能對世儒激切歌此章

齊謳行

漢庭益順指端自齊人開平津問何學阿世徒步來十策不得一此固三公才今年出周鼎明年望蓬萊上前默無語從車柏梁陪長孺竟不召仲舒敢言災公孫與五利鄉里潛相媒翹材起客館所薦何人哉勿薄刀筆吏湯死無餘財誰窮布被詐內擬三歸臺

贈家子中茂才

後生今日喜嘲儒般辟何嫌雅拜迂豈必論材逢匠石不妨談道屬樵夫里中弟子爭扶杖世外春秋倦踞觚風味從來耕讀好鹿門隱趣儘堪圖

憲齋以張字黃幼公漢章見贈戲成三絕

逋客翻叨雨綬榮江河一黃竟何成直疑鉤黨張元節  
塞外歸來變姓名

虛聲驚坐定誰同王幼公非杜幼公老去大夫思教調  
兒曹渴睡觸屏風

鵲飛龜顧總荒唐溷迹漁樵與世忘一字忽承殊禮待  
嘉名何減鄭公鄉

校齊民要術竟系之以詩

滿眼工商策胼胝笑荷鋤流亡驚草野涕鬱慨河渠乞  
糶錢仍貴屯田穀不儲歸耕吾未晚終夜校農書

被逐後游盤山夢拙庵和尚願隨余南游補兒生  
復夢先四兄送一僧入室心竊訝之兒生十二

自遽不育復夢一僧別去豈拙庵來此奪舍耶  
何狡獪倏忽若此也

我到青溝亦偶然高僧忽結夢中緣  
惇惇振錫何遊戲坐對空花欲悟禪

中郎已是記前身入世應爲一偉人  
自去自來如泡影深留孤跡竟何因

鼎彝重器感神奇

四兄夢中以古銅器四種送之入門

玉雪丰神著表儀

十二日中成一佛招魂合撰草堂碑

兒生三日浴後即肌膚如玉

不勞佳客聽啼聲已覺聰明是夙成  
豈料吾家千里足空中天樂早來迎

七月二十九日夢中作少日詩兩首憬然有悟醒  
後足成之



少日吾形容到眼了不識憂樂紛萬端渺然不可即形  
容具吾身新故若兩人何況交與游那得無越秦  
少日吾文字到眼了不記舊學與新知亦復成同異文  
字出吾心今昔不同音何況身與世那得無商參

次韻答梁節齋太史

謫譴十年仍兀傲力從古道開榛蕪不因招隱依鍾阜  
更似移家就洞湖西上元規推處仲南游司馬眷清娛  
丈夫豈合常如此肯爲蒼生暫起無

再次前韻寄節齋

髯翁得酒眠初熟海水衝騰賓館蕪碁局從來慨朝市  
釣竿隨處臥江湖學成書劍竟何用坐有琴樽聊自娛  
鷹隼摩空期健者吾衰飛動意全無

題銘鼎臣將軍<sub>少</sub>養年別墅圖

別公十九年老健成駘背不建度遼牙竟入香山會防  
身如防川常恐一缺潰深藏文武資澹與漁樵對我坐  
喜談兵屢墮機穽內羨公退急流不窘世途隘結廬惜  
人境海波忽滂湃重逢話耆舊晨星幾人在宇宙猶腥  
羶池館遞興廢客星使漢尊巴溝即嚴瀨非無鼓鼙聲  
未輟琴笙籟謀國付兒曹幅巾仍物外密授養生訣益  
促思田計長揖行歸休還山理松檜

酬伯潛病中見寄即和原韻

同鳴雙鳥占風枝惆悵孤雲起尚遲望似謝安猶不出  
老如燭武豈能爲難平渤澥波臣怒已負宮廷國士知  
攬鏡互憐霜鬢短青楓伏枕劇傷時

誰能隻手竟迴天避債臺高百計填一錯六州還聚鐵  
十羊九牧競操鞭石頑肯賤連城價驥老差安伏櫪年  
料理漁蓑期共隱何時江上句重聯

酬秦伯虞

一庭竹石半牀書時許羈人叩學廬奉手諸生依講席  
差肩二子侍籃輿談深恍接蘇門嘯心遠思陪笠澤漁  
最是論文森妙理松風謖謖晚涼初

逐客飄零久廢書買山何處著蝸廬入林幸得嵇中散  
避地誰憐謝幼輿病裏吟聲忘楚越客中春色勝溟漁  
他年若補青溪志雅集休遺識面初

故末句  
謂之

張楚寶贈肅毅刀乃壬辰德國格魯森廠所製文

忠命其監造者率賦四絕

斂盡中原百勝鋒  
晚經錘鍊壯軍容  
昆吾大食終何用  
神筆淒涼老折衝

氣逼斗牛初出匣  
光銜龍雀尚銘鏤  
西平已老涼公死

傳示兒孫血淚斑

時仲侯亦  
以毀卒

經年重拂蒯緱塵  
磨盾歸休亦幸民  
猶有呂虔刀可賣  
求田買犢未全貧

孫吳祕鑰鬱胷中  
酷喜張侯有舅風  
迴首戟門參語夜  
酒闌橫膝論英雄

詩卷四

志潛

年十歲侍

先君塞上

先君日課以杜詩手鈔

數冊略能上口漸長困於舉業此事遂廢每趨庭先  
君示以詩法苦少領會惟於先君爲詩源流以及平  
日論詩之旨尚能麤悉崖略先君年十三避兵海門  
即喜爲詩時案上僅有隨園集故先君自謂幼年實  
從隨園入手後乃泛濫諸家官京朝與吳子儁年丈最  
善儁文詩學杜嘗謂學杜當從義山山谷入始免麤直  
先君避之於玉谿詩頗有評注於山谷則主洪玉父  
說謂源出於蘇故辦香獨在玉局謂其天資學力直合  
李杜爲一手而氣節過之嘗取諸家蘇詩注本有所糾  
補辛亥之亂俱燬於兵手鈔杜詩志潛以授弟沂倉卒  
亦未攜出惟玉谿集注門弟子洪翰香觀察展轉購自

東瀛尚見

先君論詩大旨於萬一翰香篤念師門可

感而

志潛

之不能繼述尤可傷矣

先君平生詩惟塞

上所作乃手定之稿命名徙邊集今刊為第三卷者是也第一卷起庚申避地海門迄庚午入京師雖非先

君手定謫居時曾略事編排第二卷則皆官京師作當

辛丑投効南歸時事日非居恆怫鬱

志潛

請以編詩遣

日乃取官京師時舊稿將有所改訂未果疾作易簣時

此卷猶在几案間其後

志潛

讀之知散佚不少乃走都

下廣為搜輯又得若干首而以使閩歸途所作埒焉津

海七年偶有吟詠必以示于晦若師陳容民丈晦師輒

手錄藏之其零縑片楮

先慈李恭人有所獲必加珍

護

先君棄養後

先慈出所藏得若干首晦師復舉

所錄盡畀

志潛

編爲第四卷宣統初

志潛

承乏京曹適

歿庵太保師奉

召入都

志潛

以稿本進歿師復有所

刪節而以校讎之事屬之吾友丁闇公至是始有定本

甫歲事而國變作倉皇出都歸以稿本呈

先慈櫝藏

之避地滬海一夕肱膺者至疑爲珠琲之屬竟攫去并

先慈詩稿亦失之幸

志潛

出京時寫有副本存晦師

處即今付梓之底本也既終

先慈之喪喘息略定復

請於歿師重事校勘時朱彊邨侍郎同居海上實參正

字之役南北商榷三載始畢奏議刊成遂付剞劂蓋

先君棄養十八年詩集始行於世嗚呼

先君之詩甯

止此數以平生不甚愛惜存稿不及半晚年欲事編訂

亦苦未能益以

志潛

竭力搜輯而得者僅僅有此遭亂

棄官萍飄蓬轉未敢須臾離然非在京寫有副本則亦  
與鷗園藏書同罹盜劫先君詩之得傳於世與志潛  
之得不陷於重戾殆有天耶梓旣竟追維始末乃泣而  
識之辛酉夏五月男志潛